

阳也。蜀人张子培知其然，故其著春三字诀，于温病起，微恶寒者，多以麻杏石甘汤主治，或于桑菊银翘二方中加生麻绒七八分或一二钱，以为功效倍于本方。由是观之，彼虽未斥言鞠通之谬，温病之来，不能离太阳一经，亦可知矣。既曰不离太阳，病机当起自皮毛，何谓从口鼻入乎。彼云不恶风寒，主以辛凉，此说诚然，然病机之迁变，正宜随证用药。无论温病化热不宜于麻桂，即伤寒传入阳明而后，有不改用白虎承气而仍用麻桂者乎。且鞠通以为邪从鼻口入者，不攻破其意旨，犹未足服鞠通之心也。鞠通之意曰：邪从鼻入，则病在手太阴，邪从口入，则病在足阳明，故其言温病也，多主肺胃，独不思温邪之袭肺也。先由卫气不能卫外为固，邪犯皮毛而内应于肺乎。抑皮毛肌腠，初无感觉乎。若谓皮毛肌腠，绝无感觉，则是阴液内充，卫阳外达，肺又安得而病乎。太阳自汗，则土从燥化，因属阳明，伤寒之例，本自显然，故吾谓温病之自汗，即太阳阳明之兼证而为热结胃家之渐。今鞠通之书，必欲破除太阳，而谓邪从口入，彼言阳明温病汗多谵语，宜小承气汤，非即由太阳传入阳明之证乎。且得曰从口入乎。若夫，病邪由鼻吸入者，瘴疠疫毒多有之；从口入者，饱食伤胃及误服诸毒多有之，不在温病例。

按鞠通大意，不过欲破除太阳一经，传入阳明以后，原未敢显背仲景，方亦平正可法。究其误会之处，正坐不明越人伤寒有五条例。《内经》云：热病皆伤寒之类，盖以六淫之邪初犯太阳，无不伤太阳寒水之经，故谓之伤寒。不然，中风湿温热病温病，何为混称伤寒。而仲景于中风温病，且并列于太阳篇乎。

颖甫并注。

【按】曹颖甫认为《内经》和《伤寒论》已将温病之初定为太阳病，而且温病大部分方剂取自于伤寒，吴鞠通没有必要“变乱六经而主三焦”。李东垣、朱丹溪都是在继承的基础上，补充前人的不足，而吴鞠通则割裂传统，造成混乱。

曹颖甫阐明了自己对《难经》伤寒有五的理解。六淫之邪从皮毛而入，太阳为六经门户，首先受之。太阳为寒水之脏，外主汗